



Na osnovu Odluke Vlade Tuzlanskog kantona broj: 02/1-19-20026/21 od 21.09.2021. godine i Sporazuma zaključenog između Ministarstva prostornog uređenja i zaštite okolice i UNDP-a broj: 12/1-19-027701/20 od 15.12.2020. godine, Ministarstvo prostornog uređenja i zaštite okolice TK, objavljuje:

JAVNI POZIV

za sufinansiranje projekata povećanja energijske efikasnosti malih, srednjih preduzeća i obrta na području Tuzlanskog kantona

I

Predmet Javnog poziva je sufinansiranje mjera povećanja energijske efikasnosti malih, srednjih preduzeća i obrta na području Tuzlanskog kantona, a u skladu sa uslovima i kriterijima definisanim u Operativnom priručniku, koji je sastavni dio ovog Javnog poziva.

Finansiranje mjera poboljšanja energijske efikasnosti malih, srednjih preduzeća i obrta primjenom predmetnog finansijskog mehanizma podrazumijeva saradnju Ministarstva i krajnjeg korisnika /aplikanta, a u skladu sa kriterijima definisanim u Priručniku. Aplikant se prijavljuje na sufinansiranje putem Modela definisanog Operativnim priručnikom, zatim (nakon obavijesti o odobravanju sredstava) iz svojih sredstava implementira mjere povećanja energijske efikasnosti, te nakon implementacije mjera, uz dokaze o realizovanoj investiciji, podnosi zahtjev za refundaciju dijela troškova ukupne investicije.

II

Na Javni poziv mogu se prijaviti sva zainteresirana pravna lica u privatnom vlasništvu (mala i srednja preduća u skladu sa Zakonom o računovodstvu i reviziji u FBIH (Službene novine FBIH 15/21)), te obrti (u skladu sa Zakonom o obrtu i srodnim djelatnostima Službene novine FBIH 35/09)) na području Tuzlanskog kantona, sa jednom od mjera iz tačke VI Javnog poziva.

Kvalifikovani projekti energijske efikasnosti podobni za sufinansiranje po ovom Javnom pozivu su projekti sa ciljem investiranja koje rezultira smanjenjem potrošnje energije, poboljšanju komfora boravka u objektu, povećanju korištenja obnovljivih izvora energije sa primarnim ciljem povećanja ušteda korištenja energije od strane poslovnih subjekata, te rezultiranju smanjenja emisija stakleničkih plinova (GHG) i doprinosu većoj konkurentnosti poslovnih subjekata TK.

III

Kako bi projekat bio prihvatlji za finansiranje kroz Model mora da ispunjava:

- sve opće kriterije definisane Operativnim Priručnikom EE FBIH, i to:
 - Popunjen prijavni formular u skladu sa zadanom standardizovanom formom Aneks III-1 I III-2 Priručnika;
 - Dokaz da krajnji korisnik/aplikant ima sjedište na teritoriji Tuzlanskog kantona, na adresi objekta koji je predmet prijave na javni poziv;
 - Krajnji korisnik/aplikant dostavlja u svrhu lične sposobnosti dokaz da:



- u krivičnom postupku nije osuđen pravosnažnom presudom za krivična djela organizovanog kriminala, prevaru ili pranje novca, a u skladu sa važećim propisima u BiH;
- nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanje poslovne djelatnosti, u skladu sa važećim propisima u BiH;
- je postupio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u BiH;
- je ispunio obaveze u vezi sa plaćanjem direktnih i indirektnih poreza, u skladu sa važećim propisima u BiH;

U svrhu dokazivanja prethodno navedenih uslova, krajnji korisnik/aplikant je dužan dostaviti popunjenu i ovjerenu izjavu (Aneks III-a Priručnika, Izjava I) kod nadležnog organa (notar ili organ uprave nadležan za ovjere).

- Sposobnost za obavljanje profesionalne djelatnosti, i to:
 - Rješenje o upisu u sudski registar ili Izvod iz sudskog registra (primjenjivo za privatna preduzeća);
 - Rješenje o osnivanju obrta izdato od strane općinskog organa (primjenjivo za Obrt);
 - Uvjerenje od nadležne poreske uprave - Identifikacioni broj (primjenjivo za Obrt);
 - Uvjerenje od nadležne poreske uprave – identifikacioni broj (ID);
 - Uvjerenje o PDV registraciji od UIO BIH (ukoliko je aplikant obveznik PDV-a);
 - Potvrda banke o aktivnosti transakcijskog računa na ime registrovane djelatnosti.

U svrhu dokazivanja prethodno navedenih uslova, krajnji korisnik/aplikant je dužan dostaviti dokaze. U svrhu dokazivanja lične sposobnosti, u roku od 7 (sedam) dana od dana prijema Odluke o obavijesti o odobravanju sredstava, krajnji korisnik/aplikant je dužan dostaviti sve dokaze u originalu ili kopiji ovjerenoj od nadležnog organa (notar ili organ uprave nadležan za ovjere). Dokazi ne smiju biti stariji od 3 (tri) mjeseca, računajući od dana dostavljanja aplikacije.

- Fotografije postojeće opreme/tehničkih sistema (kotlovi/peći, grijači i sl.) primjenjivo za: A) POTICANJE POVEĆANJA ENERGIJSKE EFIKASNOSTI U ZGRADARSTVU - LOT 1, odjeljak 2/Povećanje energijske efikasnosti/ mašinske i elektrotehničke intervencije na objektu; te opremu/tehnologije za industrijske procese: primjenjivo za: B) POTICANJE POVEĆANJA ENERGIJSKE EFIKASNOSTI U PROIZVODNOM PROCESU/INDUSTRIJI – LOT 2;
- Objekti koji su uplanjeni ili čije je postojanje u skladu sa zakonodavstvom FBiH - Neophodno priložiti: Original zemljišnoknjižnog izvotka ili posjedovnog lista, ne stariji od 6 (šest) mjeseci izdat od strane Općinskog suda ili nadležne općinske/gradske službe – primjenjivo za: A) POTICANJE POVEĆANJA ENERGIJSKE EFIKASNOSTI U ZGRADARSTVU - LOT 1;
- Objekti ili zemljište koje je u suvlasništvu ili suposjedu, te za koje je moguće pribaviti izjavu/saglasnosti svih suvlasnika ili suposjednika unutar istog - Neophodno priložiti: Izjava suvlasnika ili suposjednika, ovjerena kod nadležnog organa, kojom se daje saglasnost za implementaciju mjera povećanja energijske efikasnosti u objektu koji je predmet prijave (ova izjava se dostavlja ukoliko je objekat, odnosno parcela u suvlasništvu ili suposjedništvu) (**Aneks III-b Priručnika, Izjava II je prilog ovog javnog poziva**) –



TUZLANSKI KANTON

Ministarstvo prostornog
uređenja i zaštite okoline



primjenjivo za: A) POTICANJE POVEĆANJA ENERGIJSKE EFIKASNOSTI U ZGRADARSTVU - LOT 1;

- Izjava podnosioca prijave ovjerena kod nadležnog organa da po izvršenoj ugradnji kotla ili peći na biomasu, toplotne pumpe, kompaktne toplotne podstanice ili toplovodnog solarnog sistema, iste neće otuđiti i koristiti uređaje za zagrijavanje objekta s pogonom na fosilna goriva, odnosno da po izvršenoj ugradnji uređaja sa pogonom na električnu energiju neće koristiti uređaj za zagrijavanje objekta sa pogonom na fosilno gorivo (**Aneks III-c Priručnika, Izjava III-LOT 1 je prilog ovog javnog poziva**) – primjenjivo za: A) POTICANJE POVEĆANJA ENERGIJSKE EFIKASNOSTI U ZGRADARSTVU - LOT 1;
- Izjava podnosioca prijave ovjerena kod nadležnog organa da po izvršenoj ugradnji opreme/ tehnologije za industrijske procese neće otuđiti istu, te da predmet nabavke neće biti polovna odnosno prethodno korištena oprema/tehnologija za industrijske procese (**Aneks III-d Priručnika, Izjava IV-LOT 2 je prilog ovog javnog poziva**) – primjenjivo za: B) POTICANJE POVEĆANJA ENERGIJSKE EFIKASNOSTI U PROIZVODNOM PROCESU/INDUSTRIJI – LOT 2;
- Izjava da će po potrebi omogućiti tehničkoj asistenciji projekta pristup objektu/obilazak postojećeg postojenja u cilju vršenja verifikacije postojećeg stanja, te stanja nakon implementacije EE mjera. (**Aneks III-e Priručnika, Izjava V je prilog ovog javnog poziva**);
- Izjava u kojem se krajnji korisnik/aplikant izjašnjava da će iznos vlastitog sufinansiranja u mjere povećanja energijske efikasnosti biti minimalno u skladu sa definisanim iznosom javnog poziva (JP). Aplikant se obavezuje da navede u postocima (%) i (KM) o kojem iznosu vlastitog sufinansiranja se radi. (**Aneks III-f Priručnika, Izjava VI je prilog javnog poziva**) – primjenjivo za: B) POTICANJE POVEĆANJA ENERGIJSKE EFIKASNOSTI U PROIZVODNOM PROCESU/INDUSTRIJI – LOT 2;
- Izjava da će po implementaciji i provedbi Modela krajnji korisnik/aplikant dodatno zaposliti lica (opcionarno). NAPOMENA: Model ne obavezuje aplikanta u davanju izjave o brojevanom stanju novih uposlenika. (**Aneks III-g Priručnika, Izjava VII-LOT 2 je prilog ovog javnog poziva**) – primjenjivo za: B) POTICANJE POVEĆANJA ENERGIJSKE EFIKASNOSTI U PROIZVODNOM PROCESU/INDUSTRIJI – LOT 2;
- Dokaz o postojanju tehničke mogućnosti za priključenje objekta na sistem daljinskog grijanja od ovlaštenog privrednog društva (JP Centralno grijanje Tuzla, JP Rad Lukavac, Eko toplane Gračanica...) – primjenjivo za: A) POTICANJE POVEĆANJA ENERGIJSKE EFIKASNOSTI U ZGRADARSTVU - LOT 1;
- Projektna dokumentacija koja se može sufinansirati kroz predmetni poticaj je predmjer i predračun radova potpisan i ovjeren od strane ovlaštene institucije iz registra projekatata kojima je dato ovlaštenje od Federalnog ministarstva prostornog uređenja -<https://fmpu.gov.ba/wp-content/uploads/2021/07/Registar-ovlastenja-Projektovanje-07072021.html> ili pravna lica registrovana za projektovanje u skladu sa Zakonom o prostornom uređenju i građenju Tuzlanskog kantona, ne starije



TUZLANSKI KANTON

Ministarstvo prostornog
uređenja i zaštite okolice



od tri (3) mjeseca od dana objave javnog poziva. (dostavlja se nakon obavijesti o odobravanju sredstava, a prije potpisivanja Ugovora) – primjenjivo za: A) POTICANJE POVEĆANJA ENERGIJSKE EFIKASNOSTI U ZGRADARSTVU - LOT 1.

Projektna dokumentacija koja se ne može sufinansirati kroz predmetni poticaj (Predmjer i predračun nabavke i ugradnje opreme, odnosno i studiju izvodljivosti (**Aneks VII Priručnika**) koja uključuje analizu potrošnje energije na godišnjem nivou, očekivane uštede energije investiranjem u mjere/mjeru povećanja EE, te prilozi tehničke specifikacije opreme/nove tehnologije od strane dobavljača/proizvođača opreme) (dostavlja se uz opću dokumentaciju i pri apliciranju) – primjenjivo za: B) POTICANJE POVEĆANJA ENERGIJSKE EFIKASNOSTI U PROIZVODNOM PROCESU/INDUSTRIJI – LOT 2.

IV

Projekti koji nisu prihvatljive za sufinansiranje putem Modela su:

- Pravna lica u većinskom državnom/federalnom/kantonalmom vlasništvu;
- Velika pravna lica u skladu sa Zakonom o računovodstvu i reviziji u FBiH (Službene novine FBiH 83/09);
- Projekti operatera energijskih sistema i sistema proizvodnje, prenosa i distribucije energije;
- Poslovni objekti (administrativne i druge poslovne zgrade; proizvodne hale) koji se griju i/ili hlade na temperaturu nižu od 18°C;
- Poslovni objekti (administrativne i druge poslovne zgrade; proizvodne hale) koji su devastirani;
- Poslovni objekti (administrativne i druge poslovne zgrade; proizvodne hale) koji su strukturno neispravni, tj. imaju veća strukturalna oštećenja koja mogu ugroziti integralnu stabilnost objekta nakon implementacije mjera povećanja energijske efikasnosti;
- Poslovni objekti (administrativne i druge poslovne zgrade; proizvodne hale) novije gradnje koji ispunjavaju minimalne zahtjeve za energijskim karakteristikama zgrada (objekti s toplotnom izolacijom na vanjskim zidovima debljine min. 10 cm i/ili zamijenjenom stolarijom/bravarijom minimalnog koeficijenta prolaza toplote $U_w=1,40-1,60 \text{ W/m}^2\text{K}$, $U_d=2,00 \text{ W/m}^2\text{K}$) – osim u dijelu zamjene neefikasnih tehničkih sistema i/ili priključenju na sistem daljinskog grijanja;
- Poslovni objekti (administrativne i druge poslovne zgrade; proizvodne hale) koji nisu uplanjeni;
- Poslovni objekti (administrativne i druge poslovne zgrade; proizvodne hale) ili zemljište koje je u suvlasništvu ili suposjedu, te za koje nije moguće pribaviti izjavu/saglasnosti svih suvlasnika ili suposjednika unutar istog;
- Poslovni objekti (administrativne i druge poslovne zgrade; proizvodne hale) koji su u fazi izgradnje tj. u trenutku objave javnog poziva;
- Nabavka polovne/korištene tehnologije za proizvodni proces.

V

Predmetnim javnim pozivom moguće je sufinansirati sljedeće:

- izradu projektne dokumentacije,



- implementaciju mjera povećanja EE – na uredskim, administrativnim i proizvodnim objektima preduzeća,
- implementaciju mjera povećanja EE – zamjenom postojećih postrojenja/tehnologije sa novom energijski efikasnom tehnologijom.

VI

Predmetnim javnim pozivom moguće je sufinansirati sljedeće mjere povećanja energijske efikasnosti:

A) POTICANJE POVEĆANJA ENERGIJSKE EFIKASNOSTI U ZGRADARSTVU - LOT 1

1. Povećanje energijske efikasnosti/mašinske i elektrotehničke intervencije na objektu kroz:

- poticanje zamjene sistema grijanja:
 - zamjena jednobrzinskih/trobrzinskih cirkulacionih pumpi sistema grijanja sa pumpama sa frekventnom regulacijom obrtaja;
 - ugradnja kompaktne toplotne podstanice (priklučenje objekta na sistem daljinskog grijanja).
- Poticanje korištenja obnovljivih izvora energije (OIE):
 - Ugradanja solarnih toplovodnih kolektora kao podrška sistemima grijanja i/ili pripremi potrošne tople vode,
 - Ugradnja toplotnih pumpi za grijanje i hlađenje,
 - Zamjena kotlova sa fosilnih goriva, kotlovima ili pećima na goriva obnovljivih izvora energije (biomasa),
 - Solarni fotonaponski sistemi (tj. krovni solarni PV sistemi isključivo namjenjeni za sopstvenu upotrebu električne energije).

B) POTICANJE POVEĆANJA ENERGIJSKE EFIKASNOSTI U PROIZVODNOM PROCESU/INDUSTRIJI – LOT 2

1. Poticanje zamjene postojećih postrojenja/tehnologije sa novom energijski efikasnom tehnologijom (uključujući i mjere automatizacije i centralnog nadzora upravljanja proizvodnim procesom ukoliko ista doprinosi povećanju EE).

VII

Svi projekti sufinansirani kroz model moraju zadovoljiti minimalne tehničke propise, standarde i uslove definisane važećim zakonskim i podzakonskim aktima na području FBiH iz oblasti toplotne zaštite objekata (minimalni zahtjevi za energijske karakteristike zgrada), tehničkih sistema grijanja i hlađenja, te pripreme potrošne tople vode – za LOT 1; te ostvariti najmanje 20% povećanje energijske efikasnosti u industrijskom/proizvodnom procesu zamjenom postojećih postrojenja/tehnologije sa novom, energijski efikasnom tehnologijom – za LOT 2

VIII

Ocjenjivanje i odlučivanje o odabiru projekata za sufinansiranje putem modela će biti vršeno u skladu sa tačkom VIII. Metodologija ocjenjivanja i odlučivanja o odabiru projekata za sufinansiranje putem Modela.

IX

Sufinansiranje projekata izloženo je u skladu s operativnim priručnikom kako slijedi:



• **A) Poticanje povećanja energijske efikasnosti u zgradarstvu - LOT 1:**

1. Povećanje energijske efikasnosti/mašinske i elektrotehničke intervencije na objektu:

- i) 50% od vrijednosti nabavke i ugradnje kotlova/peći na biomasu, vrijednost bez PDV-a, a ne više od 2.000 KM,
- ii) 50% od vrijednosti nabavke i ugradnje toplotne pumpe, vrijednost bez PDV-a, a ne više od 5.000 KM,
- iii) 50% od vrijednosti nabavke i ugradnje kompaktnih toplotnih podstanica, vrijednost bez PDV-a, a ne više od 4.000 KM,
- iv) 50% od vrijednosti nabavke i ugradnje solarnih toplovodnih kolektora, vrijednost bez PDV-a, a ne više od 5.000 KM.
- v) 50% od vrijednosti nabavke i ugradnje solarnih fotonaponskih sistema, vrijednost bez PDV-a, a ne više od 5.000 KM.

Aplikant može prijaviti projekat za jednu od navedenih mjera.

Za apliciranu mjeru, krajnji korisnik/aplikant je obavezan izraditi projektnu dokumentaciju (predmjer i predračun radova) čiji će se ukupan iznos sufinansirati do 50% vrijednosti bez PDV-a, a ne više od 500 KM, do utroška raspoloživih sredstava.

NAPOMENA: Projektna dokumentacija koja se može sufinansirati kroz predmetni poticaj je predmjer i predračun radova potpisan i ovjeren od strane ovlaštene institucije iz registra projekatata kojima je dato ovlaštenje od Federalnog ministarstva prostornog uređenja-<https://fmpu.gov.ba/wp-content/uploads/2021/07/Registar-ovlastenja-Projektovanje-07072021.html> ili pravna lica registrovana za projektovanje u skladu sa Zakonom o prostornom uređenju i građenju Tuzlanskog kantona, ne starije od tri mjeseca od dana objave javnog poziva. (dostavlja se nakon obavijesti o odobravanju sredstava, a prije potpisivanja Ugovora) – primjenjivo za: A) POTICANJE POVEĆANJA ENERGIJSKE EFIKASNOSTI U ZGRADARSTVU - LOT 1.

• **B) POTICANJE POVEĆANJA ENERGIJSKE EFIKASNOSTI U PROIZVODNOM PROCESU/INDUSTRIJI – LOT 2**

- i) najviše 50% od vrijednosti nabavke i realizacije mjera povećanja energijske efikasnosti u industrijskom/proizvodnom procesu zamjenom postojećih postrojenja/tehnologije sa novom energijski efikasnom tehnologijom, vrijednosti bez PDV-a, a ne više od 20.000 KM.

Za apliciranu mjeru pod LOT 2, aplikant je obavezan osigurati predmjer i predračun nabavke i ugradnje opreme, odnosno i studiju izvodljivosti koja uključuje analizu potrošnje energije na godišnjem nivou, očekivane uštede energije investiranjem u mjere/mjeru povećanja EE, te priložiti tehničku specifikaciju opreme/nove tehnologije od strane dobavljača/proizvođača opreme. Izrada predmetnih dokumenata se ne može sufinansirati kroz predmetni poticaj. Dokumentacije se dostavlja uz opću dokumentaciju i pri apliciranju.

Nakon bodovanja pristiglih aplikacija raspodjela će se vršiti do utroška raspoloživih sredstava.



TUZLANSKI KANTON

**Ministarstvo prostornog
uređenja i zaštite okolice**



X

Sa svim odabranim aplikantima za sufinansiranje mjera povećanja energijske efikasnosti malih, srednjih preduzeća i obrta u Tuzlanskom kantonu, a na osnovu metodologije iz tačke 8 predmetnog javnog poziva, zaključuje se ugovor o sufinansiranju mjera povećanja energijske efikasnosti predmetnog javnog poziva – Aneks V Operativnog priručnika. Ugovor o sufinansiranju mjera povećanja energijske efikasnosti zaključuje se u pisanoj formi na način i pod uslovima propisanim odredbama Operativnog priručnika u roku od najkasnije 15 dana od dana donošenja Odluke ministra o odabiru projekata za sufinansiranje putem modela. Ugovorom o sufinansiranju mjera povećanja mjera energijske efikasnosti definiraju se sva prava, obaveze i odgovornosti ugovornih strana, a njegovo stupanje na snagu predstavlja uslov za pokretanje postupaka i nabavke roba, usluga i radova od strane aplikanta koji su sastavni dio mjera povećanja energijske efikasnosti.

XI

Forma apliciranja za sufinansiranje mjera povećanja energijske efikasnosti malih, srednjih preduzeća i obrta u Tuzlanskom kantonu kroz model je standardizirana za sve aplikante. Forma apliciranja sa spiskom potrebne dokumentacije za prijavu na javni poziv je priložena u prilogu javnog poziva.

XII

Javni poziv ostaje otvoren do **22.11.2021. godine**, a objavit će se na web stranici Vlade Tuzlanskog kantona. Neblagovremene i nepotpune prijave koje nisu dostavljene u skladu sa javnim pozivom neće se uzeti u razmatranje. Prijave na javni poziv sa propisanom dokumentacijom dostavljaju se u zatvorenoj koverti putem protokola Vlade Tuzlanskog kantona ili preporučeno poštom na adresu: Ministarstvo prostornog uređenja i zaštite okolice Tuzlanskog kantona, Rudarska 65, 75000 Tuzla, Bosna i Hercegovina, sa naznakom: „*Prijava na Javni poziv za sufinansiranje mjera povećanja energijske efikasnosti malih, srednjih preduzeća i obrta TK – NE OTVARATI*“.

XII

Podnosioci prijave koji ispunjavaju uslove iz Javnog poziva za sufinansiranje projekata povećanja energijske efikasnosti malih, srednjih preduzeća i obrta na području Tuzlanskog kantona, nakon potpisivanja Ugovora sa Ministarstvom, implementiraju ugovorenu mjeru povećanja energijske efikasnosti, te su nakon toga obavezni Ministarstvu dostaviti slijedeću dokumentaciju za plaćanje:

1. Račun (otpremnicu) o izvršenoj nabavi roba (original),
2. Fiskalni račun za nabavku roba (original ili duplikat fiskalnog računa),
3. Račun i fiskalni račun o troškovima izvršenog predmjera i predračuna,
4. Dokaz o izvršenoj uplati (uplatnica ili potvrda banke)

Potrebnu dokumentaciju predati na protokol Vlade TK ili poštom na adresu: Ministarstvo prostornog uređenja i zaštite okolice TK, Rudarska 65, 75000 Tuzla, BiH sa naznakom: “Zahtjev za refundaciju dijela



TUZLANSKI KANTON

Ministarstvo prostornog
uređenja i zaštite okolice



troškova po Javnom pozivu za sufinansiranje projekata povećanja energijske efikasnosti malih, srednjih preduzeća i obrta na području Tuzlanskog kantona – NE OTVARATI”.

Zahtjev za refundaciju odobrenih sredstava mora biti podnesen do **15.12.2021.godine**.

PRILOZI:

1. Operativni priručnik,
2. Prijavni formular- Aneks III-1 i III-2 Priručnika
3. Aneks III-a Priručnika, Izjava I,
4. Aneks III-b Priručnika, Izjava II,
5. Aneks III-c Priručnika, Izjava III-LOT 1,
6. Aneks III-d Priručnika, Izjava IV-LOT 2,
7. Aneks III-e Priručnika, Izjava V,
8. Aneks III-f Priručnika, Izjava VI,
9. Aneks III-g Priručnika, Izjava VII-LOT 2,
10. Registar projekatata kojima je dato ovlaštenje.